



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola XXIII. Ioannis Papae VIII. Ad Carolvm Imperatorem. Laudat quos
sedis apostolicae legatos benigne exceperit: rogatque vt ecclesiae
Romanae praedones, qui missorum ipsius iudicium latentes ...

urn:nbn:de:hbz:466:1-15967

IOANNIS PAPÆ VIII.

EPISTOLA XXIII.

IOANNIS PAPÆ VIII.

AD CAROLVM IMPERATOREM.

Laudat quod sedis apostolicæ legatos benigne exceperit:
rogatque ut ecclesiæ Romanæ prædones, qui missorum ipsius iudicium latentes effugerant, requiri & coerceri iubeat.

Ioannes episcopus Carolo imperatori.

IN NVMERAS omnipotenti Deo grates & laudes referimus, qui cor pietatis vestræ, quod in manu sua consistit, tanta Spiritus sancti gratia replere dignatus est, quanto sollicitius vos sacras aures ad profectum ecclesiæ nobis commissæ diuinitus inclinantes, & apostolicæ sedis legatos, Leonem videlicet apocrisiarium & missum sanctæ Romanæ ecclesiæ, seu Petrum, venerabiles episcopos, nostrosque dilectos, ea benignitate, qua soliti estis, & eo amplius suscepistis: & illa quæ vobis pro statu ac exaltatione sanctæ Dei ecclesiæ suggererunt, ad efficacem finem prouenire iussistis. Vere enim, filiorum carissime, cor vestrum in manu Dei est, quia eius consulta vniuersa disponitis, & sapienter imperium vobis collatum moderari studetis: quia ex utero matris creuit vobiscum sapientia, & rectitudo fuit dilecta vestra amica. Et quia præconiorum vestrorum humana lingua fari non sufficit multitudinem, ad illa quæ de infidelibus nostris & vestris perfecta sunt epistolariter abeamus. Vestris quidem, benignissime imperator, apprime eruditis viris & Deum timentibus, Ansegiso videlicet reuerendo archiepiscopo, & Adalgario venerabili episcopo, communibus quoque fidelibus nostris, iuxta quod petieramus, pro honore atque utilitate sanctæ matris vestræ ecclesiæ Romanæ a vobis directis, Romam peruenientibus, & quantum vobis iustitia placeat, luce clarius agnouimus, & de affectu filiorum, quem erga nos conseruatis, in Domino gratulati sumus: sed de infidelibus sanctæque Romanæ ecclesiæ hostibus, quos pro multis sceleribus ac prauitatibus suis ouile Christi non recipit, huc illucque latitantibus, & nefandissimos actus suos tegere molientibus, non ut oportuit,

neque sicut vestri voluerunt legati, de illis potuit adimple-
ri. Nam vt ita fateamur, a sibi similibus infidelibus vestris,
& inimicis nostris, quibusdam scilicet marchionibus,
quos iidem vestri legati narrabunt, occultati & effugati,
nec ad se percutientes reuersi sunt, nec alias suæ malitiæ
inquinamento contaminare desistunt. Proinde clemen-
tiam vestræ celsitudinis imploramus, & per futurum Dei
iudicium adiuramus, vt eosdem sanctæ Dei ecclesiæ ho-
fles atque prædones, sacrilegos quoque, siue tyrannos,
ac per hoc a Christi collegio synodice sequestratos, stu-
diosius requiri iubeatis, & ad lugenda mala, quæ impræ-
termissee hactenus operati sunt, sicut iam decreuisti, exi-
lio deputetis. Quia si ipsi, qui tantum Dei ecclesiæ ma-
cularunt, impune iam vestram sanctionem diffugerint;
vel si, quod euenire non debet, in vestro imperio quibus-
cumque, quod turpe est dicere, contra vestram volunta-
tem eis fauorem præstantibus, tam absolute discurrerint;
totum idem vestrum imperium coinquinabunt, & omni
Christianitati dispendium generabunt: quia cum sint ipsi
oues morbidæ, totum gregem contaminant, & erunt no-
uissima illorum peiora prioribus. Ideoque maior morbus
maiori medicina curandus est; ne si non debita, vel quali
decet austeritate vulnera magnum fœtorem dantia radi-
citus resecata fuerint, totum corpus ecclesiæ tabefiat, &
nobis hæc sustinentibus ministerium nostrum exercere
non liceat. Non enim Stephanum & Sergium ad nos frau-
dulenter venientes recipere noluimus, sed eos ad vestram
venire iussimus maiestatem. Ceterum, fili carissime, the-
sauros ecclesiæ nostræ, ab eisdem nefandissimis raptos ac
fraudatos, ita sciatis ab ipsis etiam celatos, vt per eos qui
hic de suis satellitibus remanferunt, inueniri non possint:
illos vero qui nouerunt vbi eos recondiderint, ne detegi
possent, apud se callide retinent: & nisi ipsi capti fuerint,
vbi sunt occultati, nos nostrosque penitus latet. Verumta-
men quid vel quantum ab uno & quantum ab alio, quan-
tumque etiam in domibus eorum repertum sit, vestri iam
dicti legati & scripto & verbis vobis, si placet, edicant. Da-
ta xvii. Kalendas Decembris, indictione decima.

NOTA IACOBI SIRMONDI
SOCIETATIS IESV.

Ansegiso & Adalgario.] Missi ambo Romam a Carolo fuerant cum legatis apostolicis post Synodum Pontigonensem. Aimoinus lib. v. cap. XXXIII. *Soluta est Synodus.* Postea imperator legatos muneratos apostolicos, Leonem & Petrum, remisit Romam, & cum eis Ansegisum Senonensem episcopum, & Adalgarium Augustodunensem episcopum.

EPISTOLA XXIV.

IOANNIS PAPÆ VIII.

AD CAROLVM CALVVM IMPERATOREM.

Scribit intellecturum imperatorem ex Adalgario episcopo (cui pallium concedit) cur ecclesiæ causa ex voto non processerit. Taxat Ansegisum, & Adalgarii fidem commendat.

Ioannes episcopus Carolo imperatori.

LAUDABILEM quidem intentionem & pium studium vestrum pro causa ecclesiæ nostræ, matris videlicet vestræ, fili carissime, viscerabiliter habitum & bene dispositum agnoscentes, innumeratas Deo gratias, qui totius boni auctor & moderator est, quique docet hominem iustitiam, gessimus. sed impediuit nos satanas, & spes nostra frustrata est, cum non ad votum nostrum & communem propositum finis rei processerit. Qualiter autem, vel quo faciente, ita causa prouenerit, Adalarius sanctissimus episcopus, quem nos vestri amoris causa, ipsiusque morum probitate non immerito moti, palliatum ad vos ecce remisimus, a maiestate vestra interrogatus, & per fidem, quam vobis se illæsam seruaturum pollicitus est, adiuratus edicet. Illud tamen nos interim ad memoriam vestram reducimus, quod nobis olim de Ansegiso & Lambertino specialiter quodam præfigio futurorum, tamquam prouidus reuera pronuntiaſtis. Est enim ita geltum ut præuidistis, & nil vos ante latuit, quod postmodum intellectus nostri oculus non aspicerit. Non enim recte cum eo, sicut episcopum decuit, ambulauit: sed per versipelles anfractus incedens, multum a via rectitudinis deuiauit. Quod cum exhibatum ad lucem veritatis extiterit, penitus